

Feidhmiúlacht chun Múineadh

Eolas d'Fhostóirí



Maidir leis an leabhrán seo

Sa leabhrán seo deirtear leat cathain ba chóir duit a chur in iúl don Chomhairle Mhúinteoireachta maidir le gearán faoi mhúinteoir cláraithe. Tá gluais curtha isteach againn chun cuidiú leat na téarmaí tábhachtacha a thuiscint.

Maidir leis an gComhairle Mhúinteoireachta

Is í an Chomhairle Mhúinteoireachta an comhlacht caighdeán gairmiúla don teagasc a dhéanann gairm na múinteoireachta a chur chun cinn agus a rialáil. Gníomhaíonn sí ar mhaithe le leas an phobail agus ag an am céanna tacaíonn sí agus cuireann sí le cáil ghairm na múinteoireachta. Ceann amháin d'fheidhmeanna na Comhairle Múinteoireachta ná fiosrú a dhéanamh maidir le gearáin agus, más gá, fiosrúcháin a bheith ann faoi mhúinteoirí cláraithe.

Ábhar

1 Eolas ginearálta	5
> Cén fáth a ndéanann an Chomhairle Mhúinteoireachta gearáin faoi mhúinteoirí a fhiosrú?	5
> Cé atá in ann gearán a dhéanamh?	5
> An gá gearán a ardú leis an scoil sular féidir leis an gComhairle Mhúinteoireachta féachaint air?	5
> An bhféadfadh an gearán a bheith bainteach le hiompar a tharla lasmuigh de thréimhse gairme an mhúinteora chláraithe?	6
> An féidir leis an gComhairle Mhúinteoireachta gearán a fhiosrú maidir le rud éigin a tharla lasmuigh den scoil, le linn thréimhse gairme an mhúinteora?	6
> An féidir leis an gComhairle Mhúinteoireachta gearán a fhiosrú maidir le rud éigin a tharla lasmuigh d'Éirinn?	6
> Cad iad na cineálacha gearán a dhéanann an Chomhairle Mhúinteoireachta a fhiosrú?	6
2 Ag cur in iúl don Chomhairle Mhúinteoireachta	8
> An féidir leis an bhfostóir gearán a dhéanamh?	8
> Cad a tharlaíonn má bhíonn baol ann go ndéanfaí díobháil do leanaí nó do dhaoine soghonta?	8
> Cathain a chaithfidh an fostóir eolas a sholáthar don Chomhairle Mhúinteoireachta?	9
3 Próiseas an Ghearáin	11
> Cad a tharlaíonn tar éis dom a chur in iúl don Chomhairle Mhúinteoireachta faoi ghearán?	11
> Cad a tharlaíonn tar éis dom a chur in iúl don Chomhairle Mhúinteoireachta faoi ghearán?	11
> An mbeadh aon chúiseanna ann nach ndéanfadh an Coiste Imscrúdaithe an gearán a fhiosrú?	12
> Conas a dhéanann an Coiste Imscrúdaithe an gearán a fhiosrú?	12
> Cad a tharlaíonn tar éis don Choiste Imscrúdaithe an gearán a fhiosrú?	13

Ábhar

4 Próiseas an fhiosrúcháin	14
> Cad is fiosrúchán ann?	14
> Cá mbeidh an éisteacht ar siúl?	14
> Má bhíonn éisteacht ó bhéal ar siúl, cad é ról na scoile nó an fhostóra?	14
> Cad a d'fhéadfadh tarlú don mhúinteoir?	15
> An féidir le múinteoir achomharc a dhéanamh ar an gcinneadh?	15
5 Clárú an mhúinteora	16
> Conas a chuirtear isteach ar chlárú múinteora de bharr gearáin?	16
6 Eolas breise	17
> Cén chomhairle a chuireann an Chomhairle Mhúinteoireachta ar mhúinteoir nuair a fhaightear gearán?	17
> An bhfuil ionchur na scoile de dhíth le linn phróiseas an ghearáin agus an fhiosrúcháin?	17
> An gcoinneofar mé ar an eolas faoi ghearán?	17
> An gcuirfidh an Chomhairle Mhúinteoireachta eagraíochtaí ar bith eile ar an eolas faoin ngearán?	18
> Cén áit ar féidir liom tuilleadh eolais a fháil maidir le próiseas gearáin na Comhairle Múinteoireachta?	18
> Beartas Príobháideachais	18
> Gluais	19

1

Eolas ginearálta

Cén fáth a ndéanann an Chomhairle Mhúinteoireachta gearáin faoi mhúinteoirí a fhiosrú?

Mar an rialtóir do ghairm na múinteoireachta tá dualgas orainn ó thaobh dlí gearáin a fhiosrú faoi mhúinteoirí atá cláraithe linn. Tá sé seo leagtha amach i gCuid 5 den Acht um Chomhairle Mhúinteoireachta, 2001, arna leasú. Is féidir leat an tAcht um Chomhairle Mhúinteoireachta, 2001, arna leasú, a fheiceáil nó a íoslódáil www.teachingcouncil.ie/ga/.

Cé atá in ann gearán a dhéanamh?

Is féidir le duine ar bith, lena n-áirítear baill den phobal, fostóirí agus múinteoirí eile, gearán a dhéanamh faoi mhúinteoir cláraithe. Chomh maith leis sin, is féidir leis an gComhairle Mhúinteoireachta í féin gearán a dhéanamh faoi mhúinteoir cláraithe.

An gá gearán a ardú leis an scoil sular féidir leis an gComhairle Mhúinteoireachta féachaint air?

De ghnáth ní féidir linn gearán a fhiosrú ach amháin má baineadh triail as (nó má tugadh chun críche) nósanna imeachta araíonachta na scoile (arna mbunú faoi alt 24 den Acht Oideachais, 1998)¹. An eisceacht leis seo ná má bhíonn cúiseanna maithe agus leordhóthanacha ann. Áireofar mar chúiseanna maithe agus leordhóthanacha áit a bhfuil leanaí nó daoine fásta soghonta i mbaol díobhála, nó áit a bhféadfaidís a bheith i mbaol díobhála nó áit a bhfuil an t-iompar chomh tromchúiseach sin go dtarraingeofaí míchlú ar an ngairm.

Déanfaidh ár gCoiste Imscrúdaithe cinneadh an bhfuil cúiseanna maithe agus leordhóthanacha ann le tús a chur leis an imscrúdú láithreach bonn.

1 In Alt 28 den Acht Oideachais 1998, éilítear ar an Aire Oideachais agus Scileanna nós imeachta gearán agus nósanna imeachta eile a bhunú do scoláirí agus do thuismitheoirí. Déantar tagairt dó i reachtaíocht na Comhairle Múinteoireachta maidir le feidhmiúlacht chun múineadh. Ach, go dtí seo, níl an t-alt seo curtha i bhfeidhm ag an Aire agus dá bhrí sin ní dhéantar tagairt dó sa leabhrán eolais seo.

Faoi láthair níl aon nósanna imeachta gearán forordaithe ag an Aire faoi alt 28 den Acht Oideachais, 1998. Mar sin féin, má bhunaítear agus nuair a bhunaítear nósanna imeachta alt 28, ní bheimid in ann gearán a fhiosrú go dtí go mbaintear triail as na nósanna imeachta gearán sin (nó go dtiocfaidh siad chun críche), mura bhfuil cúiseanna maithe leordhóthanacha ann.

An bhféadfadh an gearán a bheith bainteach le hiompar a tharla lasmuigh de thréimhse gairme an mhúinteora chláráithe?

D'fhéadfadh. Is féidir linn breathnú ar ghearáin a bhaineann le hábhair ar leith a bhaineann le hiompar lasmuigh de thréimhse gairme an mhúinteora chláráithe ar nós ciontuithle le haghaidh cionta áirithe, agus áit a bhfuil an t-iompar chomh tromchúiseach sin go dtarraingeofaí míchlú ar an ngairm.

An féidir leis an gComhairle Mhúinteoireachta gearán a fhiosrú maidir le rud éigin a tharla lasmuigh den scoil, le linn thréimhse gairme an mhúinteora?

Is féidir. D'fhéadfadh gearán in aghaidh múinteora chláráithe a bheith bainteach le gníomhaíocht ghairmiúil ar bith a bhaineann leis an scoil, nó le haon ghníomhaíocht nó ról ar thug siad fúithi/ faoi agus iad mar mhúinteoir cláraithe.

An féidir leis an gComhairle Mhúinteoireachta gearán a fhiosrú maidir le rud éigin a tharla lasmuigh d'Éirinn?

Is féidir. Is féidir linn gearáin a fhiosrú faoi eachtraí áirithe a tharla lasmuigh d'Éirinn ar chúiseanna lena n-áirítear mí-iompar gairmiúil, drochfheidhmíocht ghairmiúil agus ciontuithle de bharr cionta áirithe.

Cad iad na cineálacha gearán a dhéanann an Chomhairle Mhúinteoireachta a fhiosrú?

Ní féidir linn ach féachaint ar ghearáin a bhaineann le múinteoirí cláraithe. Is féidir linn gearáin a fhiosrú faoi na nithe seo a leanas:-

- > mí-iompar gairmiúil;
- > drochfheidhmíocht ghairmiúil;
- > ag tabhairt faoi iompar atá in aghaidh an Chóid Iompair Ghairmiúil;
- > gan a bheith ábalta teagasc a dhéanamh ó thaobh sláinte de;

- > ciontú cúirte de bharr cionta áirithe;
- > mura gcomhlíontar nó má sháraítear foráil d'Achtanna na Comhairle Múinteoireachta 2001, den Acht Oideachais, 1998, den Acht um Leas Oideachais, 2000, den Acht um Boird Oideachais agus Oiliúna, 2013, agus aon rialacháin, rialacha nó orduithe atá déanta faoi na hAchtanna sin;
- > mura gcomhlíontar gealltanais nó mura dtugtar aghaidh ar ghníomh atá sonraithe i dtoilíú atá tugtha do phainéal an Choiste Araíonachta ag fiosrúchán a bhí ann roimhe seo; agus
- > clárú mícheart mar gheall ar dhearbhu nó mífhaisnéis atá bréagach nó calaoiseach.

Chomh maith leis sin, is féidir leis an gCoiste Mhúinteoireachta gearán a dhéanamh leis an gCoiste Imscrúdaithe faoi eolas atá i nochtadh grinnfhiosrúcháin an Gharda Síochána a fuair an Chomhairle thar ceann fhostóirí na scoile nó fhostóirí féideartha.

De ghnáth ní féidir linn féachaint ar ghearáin ach amháin más rud é gur tharla na heachtraí a ndearnadh gearán fúthu ar an nó i ndiaidh 25 Iúil 2016. Sa chás gur tharla na heachtraí a ndearna gearán fúthu roimh an **25 Iúil 2016**, ní féidir linn féachaint ar an ngearán ach amháin i gcásanna áirithe. Cuirtear san áireamh sna cásanna seo áit ar ciontaíodh múinteoir de bharr cionta choiriúil áirithe, nó áit a mbeadh cion choiriúil i gceist leis an iompar a ndearnadh gearán faoin uair a tharla sé, agus gur cineál den sórt sin é gur ábhar imní a bheadh ann go bhféadfadh an múinteoir díobháil a dhéanamh do leanbh nó do dhuine fásta soghonta ar bith, nó a bheith ina c(h)úis díobhála dóibh.

2

Ag cur in iúl don Chomhairle Mhúinteoireachta

An féidir leis an bhfostóir gearán a dhéanamh?

Is féidir. Féadfaidh aon duine lena n-áirítear fostóir gearán a dhéanamh leis an gComhairle Mhúinteoireachta de réir alt 42(1) den Acht. Má tá imní ort faoi oiriúnacht múinteora don mhúinteoireacht, ba cheart duit é sin a insint dúinn. Is féidir leat gearán a dhéanamh linn am ar bith má tá imní ort faoi mhúinteoir, fiú má tá an múinteoir fós i bhfostaíocht.

Mar a leagtar amach in Eolas Ginearálta i gcuid 1 den leabhrán seo, áfach, de ghnáth ní féidir linn fiosrú a dhéanamh ar ghearán ach amháin má baineadh triail as (nó má tugadh chun críche) nósanna imeachta araíonachta na scoile (arna mbunú faoi alt 24 den Acht Oideachais, 1998). An eisceacht leis seo ná má bhíonn cúiseanna maithe agus leordhóthanacha ann.

Áireofar mar chúiseanna maithe agus leordhóthanacha áit a bhfuil gearán déanta ar iompar a dhéanann díobháil do pháiste nó sa chás is go bhfuil an t-iompar ar chineál iompair a tharraingeodh míchlú ar an ngairm. Déanfaidh ár gCoiste Imscrúdaithe cinneadh an bhfuil cúiseanna maithe agus leordhóthanacha ann le tús a chur leis an imscrúdú láithreach bonn.

Cad a tharlaíonn má bhíonn baol ann go ndéanfaí díobháil do leanaí nó do daoine soghonta?

Má bhíonn imní ort go bhfuil leanaí nó daoine soghonta i mbaol díobhála, nó go bhféadfaidís a bheith i mbaol díobhála ba chóir duit é sin a chur in iúl dóibh seo a leanas:-

- > An scoil, más cú;
- > TUSLA (an Ghníomhaireacht um Leanaí agus an Teaghlach);
- > An Garda Síochána, más cú.

B'fhéidir gur mian leat gearán a chur chuig an gComhairle Mhúinteoireachta freisin.

Cathain a chaithfidh an fostóir eolas a sholáthar don Chomhairle Mhúinteoireachta?

Cuireadh tús le Rialacháin na Comhairle Múinteoireachta (Eolas á sholáthar ag an bhfostóir má bhristear fostaí óna bpost nó má éiríonn siad as), 2023 (Uimh. 230 as 2023) ar 11 Bealtaine 2023 (“na Rialacháin 2023”). Tugann na Rialacháin 2023 isteach oibleagáid dhlíthiúil ar fhostóirí eolas faoi leith a sholáthar dúinn, **a luaithe is indéanta**, i gcúinsí ina mbíonn:-

- (a) an múinteoir cláraithe briste as a p(h)ost ag a f(h)ostóir, nó
- (b) éirithe as agus leanann an t-éirí as sin -
 - (i) gearán déanta maidir leis an múinteoir sin (seachas gearán a dhéantar faoi mhúinteoir faoi alt 42 den Acht um Chomhairle Mhúinteoireachta 2001 (No. 8 as 2001), nó
 - (ii) nósanna imeachta a agairt faoi alt 24 den Acht Oideachais 1998 (Uimh. 51 de 1998), nó cibé nósanna imeachta eile a fhéadfar a agairt, i leith an mhúinteora.

Seo a leanas an t-eolas nach mór a sholáthar, i scríbhinn don Chomhairle:-

- (a) ainm agus seoladh an fhostóra
- (b) ainm agus, más eol, seoladh an mhúinteora chláráithe cuí;
- (c) uimhir chlárúcháin an mhúinteora chláráithe mar atá cláraithe i gClár na Múinteoirí
- (d) I gcás ina bhfuil an múinteoir cláraithe briste as a p(h)ost -
 - (i) cúiseanna an dífhostaithe,
 - (ii) gach doiciméad a bhaineann leis an bpróiseas araíonachta as ar eascair an dífhostú, agus
 - (iii) gach gearán a rinneadh maidir leis an múinteoir (lena n-áirítear aon ghearán a rinneadh maidir leis an múinteoir faoi alt 42 den Acht um Chomhairle Mhúinteoireachta 2001) a chuir leis an dífhostú, nó a raibh mar thoradh air, lena n-áirítear cóipeanna díobh seo a leanas:
 - (I) litreacha gearáin;
 - (II) ráitis ó fhinnéithe;
 - (III) miontuairiscí nó nótaí cruinnithe a tionóladh leis an múinteoir cuí;
 - (IV) ráitis agus freagraí ón múinteoir cuí
- (e) Áirítear ar na cúinsí a bhaineann leis an dífhostú nó leis an éirí as -
 - (i) cibé an bhfuil na cúinsí sin faoi réir aon fhiosrúchán (lena n-áirítear stádas aon fhiosrúchán den sórt sin) ag aon duine eile, lena n-áirítear an Garda Síochána nó an Ghníomhaireacht um Leanaí agus an Teaghlach, agus
 - (ii) cibé an bhfuil aon imeachtaí sibhialta á mbeartú nó atá ar bun i ndáil leis na cúinsí a bhain leis an dífhostú nó leis an éirí as,

agus

- (f) nuair is eol, stádas fostaíochta reatha, agus ionad oibre an mhúinteora chláráithe.

Má tá ort fógra a dhéanamh, seol ríomhphost go dtí professionalstandards@teachingcouncil.ie agus tabhair le fios dúinn go dteastaíonn uait fógra a dhéanamh faoi réir Rialacháin ailt 37. Rachaimid i dteagmháil leat ansin agus inseoidimid duit conas an t-eolas cuí agus an cháipéisíocht chuí a sheoladh chugainn go sábháilte.

3

Próiseas an Ghearáin

Cad a tharlaíonn tar éis dom a chur in iúl don Chomhairle Mhúinteoireachta faoi ghearán?

Ní féidir linn gearán a fhiosrú ach amháin má dhéanann duine gearán foirmiúil i scríbhinn agus é sínithe. Más mian leat gearán foirmiúil a dhéanamh is féidir leat é a dhéanamh trínár bhFoirm Ghearáin a íoslódáil agus a chomhlánú. Is féidir é seo a fháil sa rannán Feidhmiúlacht chun Múineadh ar ár suíomh gréasáin, www.teachingcouncil.ie/ga/. Más rud é nach bhfuil tú ach ag cur in iúl dúinn maidir leis na hábhair imní atá agat faoi mhúinteoir agus nach mian leat gearán foirmiúil a dhéanamh, d'fhéadfadh an Chomhairle Mhúinteoireachta í féin gearán foirmiúil a dhéanamh leis an gCoiste Imscrúdaithe. Is é is dóichí ná go mbeidh d'ionchur de dhíth le linn phróiseas an ghearáin agus an fhiosrúcháin.

Cuirfimid é in iúl don mhúinteoir agus seolfaimid cóip den ghearán chuige nó chuici, na doiciméid uile iniata leis agus aon eolas breise a fhaighimid faoin ngearán le linn phróiseas an ghearáin. Áireofar leis seo na doiciméid uile a thugann tú dúinn. Beidh an deis ag an múinteoir freagra a thabhairt ar an ngearán i scríbhinn chuig an gComhairle Mhúinteoireachta.

Cé a dhéanann an gearán a fhiosrú?

Nuair a fhaighimid gearán, téann sé chuig Stiúrthóir na Comhairle Múinteoireachta ar dtús agus chuig an bhfoireann chuí. Déanfaidh an Stiúrthóir (nó an fhoireann tharmligthe) athbhreithniú ar an ngearán.

Is féidir leis an Stiúrthóir an gearán a dhiúltú mura bhfuil sé i scríbhinn, sínithe, agus in éineacht leis na doiciméid agus an t-eolas ábhartha. Is féidir leis an Stiúrthóir an gearán a dhiúltú freisin má cheapann an Stiúrthóir gur gearán neamhthábhachtach nó míréasúnta atá ann, nó ceann a rinneadh go mímhacánta nó trí mhí-úsáid a bhaint as an bpróiseas.

Má dhiúltaíonn an Stiúrthóir an gearán, is féidir leis an duine a rinne an gearán achomharc a dhéanamh ar chinneadh an Stiúrthóra chuig an gCoiste Imscrúdaithe.

Má chuireann an Stiúrthóir an ghearán ar aghaidh chuig an gCoiste Imscrúdaithe, breathnóidh an Coiste seo isteach sa ghearán.

An mbeadh aon chúiseanna ann nach ndéanfaidh an Coiste Imscrúdaithe an gearán a fhiosrú?

Ní dhéanfaidh an Coiste Imscrúdaithe an gearán a fhiosrú más rud é: -

- > nach bhfuil an múinteoir cláraithe leis an gComhairle Mhúinteoireachta;
- > go gcreideann an Coiste Imscrúdaithe nach mbaineann an gearán le feidhmiúlacht an mhúinteora chun múineadh;
- > nár baineadh triail as (nó nár tugadh chun críche) nósanna imeachta araíonachta na scoile (arna mbunú faoi alt 24 den Acht Oideachais, 1998) ach amháin má bhíonn cúiseanna maithe agus leordhóthanacha ann;
- > gur tharla na nithe a bhfuiltear ag déanamh gearáin fúthu roimh an 25 Iúil 2016. Sna cásanna seo, d'fhéadfadh an Coiste Imscrúdaithe an gearán a fhiosrú i gcúinsí áirithe mar atá leagtha amach i gcuid 1 den leabhrán seo - Eolas Ginearálta.

Conas a dhéanann an Coiste Imscrúdaithe an gearán a fhiosrú?

Seolfaidh an Coiste Imscrúdaithe cóipeanna den ghearán agus na doiciméid uile a fhaigheann sé a bhaineann leis an ngearán chuig an múinteoir cláraithe. B'fhéidir go n-iarrfaidh an coiste ar an múinteoir freagra a thabhairt ar an ngearán i scríbhinn.

B'fhéidir go n-iarrfaidh an Coiste Imscrúdaithe ar an ngearánach (an duine a rinne an gearán) níos mó eolais a sheoladh isteach nó b'fhéidir go n-iarrfaidh sé ar an múinteoir nó ar an scoil nó aon duine eile iomchuí le haghaidh eolais.

B'fhéidir go lorgóidh an Coiste Imscrúdaithe sainchomhairle nó cuidiú freisin.

Má thugtar le fios sa ghearán nach mbeadh an múinteoir ábalta múineadh ó thaobh na sláinte de, b'fhéidir go n-iarrfaidh an Coiste Imscrúdaithe ar an múinteoir tabhairt faoi scrúdú dochtúra.

Is féidir leat tuilleadh eolais a fháil faoi ról na scoile le linn gearán a fhiosrú i gCuid 6 den leabhrán seo - Eolas breise.


Cad a tharlaíonn tar éis don Choiste Imscrúdaithe an gearán a fhiosrú?

D'fhéadfadh an Coiste Imscrúdaithe ceann de na trí rud seo a leanas a dhéanamh: -

- > cinneadh a dhéanamh go bhfuil gá le tuilleadh eolais chun cinneadh a dhéanamh;
- > an gearán ar fad nó cuid de a chur ar aghaidh chuig an gCoiste Araíonachta le haghaidh fiosrúcháin, nó
- > cinneadh a dhéanamh nach bhfuil gá le haon ghníomh eile a dhéanamh.

Ní féidir achomharc a dhéanamh maidir le cinneadh an Choiste Imscrúdaithe. **Ní mór gearán tromchúiseach a bheith i gceist** leis an ngearán ionas gur féidir leis an gCoiste Imscrúdaithe é a chur ar aghaidh chuig an gCoiste Araíonachta.

Féach thíos cairt phróiseas an ghearáin.



4

Próiseas an fhiosrúcháin

Cad is fiosrúchán ann?

I gcuid mhór cásanna, is é a bheidh i gceist le fiosrúchán ná éisteacht ó bhéal os comhair painéil den Choiste Araíonachta. Tá sé cosúil le héisteacht os comhair cúirte nó binse. Tugann na finnétithe fianaise faoi mhionn.

Mar sin féin, is féidir leis an múinteoir atá mar ábhar an fhiosrúcháin iarraidh go dtabharfaí faoin bhfiosrúchán trí scrúdú a dhéanamh ar na doiciméid agus aighneachtaí ábhartha i scríbhinn seachas é a bheith mar éisteacht ó bhéal. Chomh maith leis sin, d'fhéadfadh painéal an Choiste Araíonachta iarraidh ar an múinteoir aontú go mbeidh an fiosrúchán ar siúl trí scrúdú a dhéanamh ar na doiciméid agus aighneachtaí ábhartha i scríbhinn.

Tarlaíonn fiosrúchán ó thaobh scrúdú a dhéanamh ar na doiciméid agus aighneachtaí ábhartha i scríbhinn go príobháideach agus ní bhíonn aon pháirtithe i láthair.

Déanfaidh painéal an Choiste Araíonachta cinneadh faoi cad é an cur chuige is oiriúnaí. Sa chuid is mó de na cásanna, is é éisteacht ó bhéal a bheidh ar siúl.

Beidh na héisteachtaí ar siúl go poiblí ach amháin má iarrann an múinteoir nó finn é a bhféadfaí cúrsaí pearsanta a nochtadh faoi nó fúithi ar an bpainéal go mbeadh an éisteacht nó cuid den éisteacht ar siúl go príobháideach, agus go bhfuil an painéal sásta go mbeadh sé oiriúnach a leithéid a dhéanamh. Má bhíonn éisteacht ar siúl go poiblí, féadfaidh an painéal d'aitheantas nó aitheantas na ndaoine atá i gceist a choimeád faoi rún.

Cá mbeidh an éisteacht ar siúl?

Bíonn an chuid is mó éisteachtaí ar siúl in oifigí na Comhairle Múinteoireachta ag Bloc A, Campas Gnó Mhaigh Nuad, Maigh Nuad, Co. Chill Dara, W23 Y7X0. Anois is arís, d'fhéadfadh na héisteachtaí a bheith ar siúl in áiteanna eile nó go fíorúil ar líne.

Má bhíonn éisteacht ó bhéal ar siúl, cad é ról na scoile nó an fhostóra?

B'fhéidir go n-iarrfaimid ar ionadaí den scoil fianaise a thabhairt mar fhinné. Le haghaidh tuilleadh eolais maidir le ról finn é agus cad a mbeifeá ag súil leis ag éisteacht, féach ar ár Leabhrán Eolais d'Fhinnéithe atá ar fáil sa chuid faoi Fheidhmiúlacht chun Múineadh dár suíomh gréasáin, www.teachingcouncil.ie/ga/.

Cad a d'fhéadfadh tarlú don mhúinteoir?

Is é Painéal an Choiste Araíonachta a reáchtálann an fiosrú a dhéanfaidh an cinneadh cibé an gcruthaítear an gearán.

Má chruthaítear an gearán, beidh ar an bpainéal cinneadh a dhéanamh ar chóir smachtbhanna a chur i bhfeidhm. D'fhéadfadh an painéal cinneadh a dhéanamh:

- a) comhairle, rabhadh nó cáineadh a thabhairt don mhúinteoir;
- b) coinníollacha a chur ar chlárú an mhúinteora;
- c) an múinteoir a chur ar fionraí ón gclár ar feadh tréimhse ama sonraithe (suas le dhá bhliain);

(Is é a bheadh i gceist leis seo nach mbeadh an múinteoir in ann teagasc a dhéanamh i bpost atá maoinithe ag an Roinn Oideachais agus Scileanna don tréimhse atá sé nó sí ar fionraí ón gclár).

- d) an múinteoir a bhaint den chlár agus gan ligean dó nó di iarratas a dhéanamh le bheith achurtha ar an gclár ar feadh tréimhse ama sonraithe.

(Mar mhúinteoir nach bhfuil cláraithe, ní bheadh an múinteoir in ann teagasc a dhéanamh i bpost atá maoinithe ag an Roinn Oideachais agus Scileanna).

An féidir le múinteoir achomharc a dhéanamh ar an gcinneadh?

Má chinneann an painéal ceann amháin de na smachtbhannaí ó b) go d) thuas a leagan ar mhúinteoir, is féidir leis an múinteoir achomharc a dhéanamh ar an gcinneadh chuig an Ard-Chúirt laistigh de 21 lá ó cuireadh an cinneadh in iúl dó nó di. Bíonn na hachomhairc chuig an Ard-Chúirt ar siúl go poiblí.

Mura ndéanann an múinteoir achomharc, ní mór dúinn iarratas a dhéanamh chuig an Ard-Chúirt le deimhniú a fháil maidir leis an gcinneadh.

5

Clárú an mhúinteora

Conas a chuirtear isteach ar chlárú múinteora de bharr gearáin?

De ghnáth, ní athraíonn clárú an mhúinteora nuair a fhaighimid gearán. Ach, d'fhéadfadh sé athrú má chruthaítear an gearán ag fiosrúchán.

Mar sin féin, tabhair faoi deara na nithe seo a leanas:

- a) Más gá, is féidir linn iarraidh ar an Ard-Chúirt clárú an mhúinteora a chur ar fionraí faoi alt 47 den Acht ar feadh tréimhse ama. De ghnáth tharlódh sé seo go dtí go bhfuil an Chomhairle Mhúinteoireachta críochnaithe ag fiosrú an ghearáin.
- b) Is féidir linn an t-iarratas seo d'alt 47 a dhéanamh má cheapann **an Chomhairle gur ar mhaithe leis an bpobal é seo a dhéanamh**. Is annamh a dhéantar na hiarratais seo agus ní tharlaíonn siad de ghnáth ach amháin má bhíonn cúis imní mhór ann ó thaobh shábháilteacht an phobail. Má fhaighimid ordú Ard-Chúirte, cuirfidimid in iúl duit é láithreach. Ag brath ar théarmaí an ordaithe b'fhéidir go mbeidh ar an múinteoir stopadh ag obair go hiomlán ar bhealach ar leith nó i ról ar leith ar feadh tréimhse ama sonraithe. Cuirfidh an Ard-Chúirt in aon ordú treoir cibé an leanfar ar aghaidh agus an múinteoir a íoc nuair atá an t-ordú i bhfeidhm.

6 Eolas breise

Cén chomhairle a chuireann an Chomhairle Mhúinteoireachta ar mhúinteoir nuair a fhaightear gearán?

Cuirimid comhairle ar an múinteoir comhairle dlí a fháil nó cuidiú a fháil ó chomhghleacaí, ionadaí ceardchumainn nó ionadaí eile.

Ní féidir linn comhairle a chur ar an múinteoir maidir leis an ngearán agus ní íocfaimid cúiteamh leis an múinteoir ar chostas aon ionadaíochta. Baineann an t-ábhar seo leis an múinteoir.

An bhfuil ionchur na scoile de dhíth le linn phróiseas an ghearáin agus an fhiosrúcháin?

B'fhéidir go n-iarrfaimid ar an scoil eolas a sholáthar nó doiciméid a chur ar fáil, ina mbeadh aon chomhaid araíonachta atá á gcoimeád i gceist. Chomh maith leis sin, b'fhéidir go mbeadh ionadaí ón scoil ag teastáil uainn le freastal ar an éisteacht le fianaise a thabhairt.

Más gá, is féidir leis an gComhairle toghairm soláthair a eisiúint chun iallach a chur le doiciméid a sholáthar agus toghairm finné a eisiúint le hiallach a chur ar ionadaí ón scoil le freastal ar an éisteacht agus fianaise a thabhairt.

An gcoinneofar mé ar an eolas faoi ghearán?

Cuirfimid in iúl duit é faoi ghearán a luaithe agus is féidir má chreidimid go bhfuil ábhar imní réasúnta ann go bhfuil leanaí nó daoine soghonta i mbaol díobhála, nó go bhféadfaidís a bheith i mbaol díobhála.

B'fhéidir go lorgóidh an Coiste Imscrúdaithe eolas uait mar chuid de bhreithniú agus imscrúdú an ghearáin.

Ag an deireadh nuair a dhéanann an Coiste Imscrúdaithe breithniú maidir leis an ngearán, cuirfear cóip de chinneadh an Choiste Imscrúdaithe ar fáil duit.

Má chinneann an Coiste Imscrúdaithe an gearán a chur ar aghaidh chuig an gCoiste Araíonachta le haghaidh fiosrúcháin, cuirfimid in iúl duit faoi thoradh an fhiosrúcháin nuair atá sé críochnaithe.

B'fhéidir go ndéanfaidh an múinteoir cinneadh tú a chur ar an eolas faoi ghearán. Is faoin múinteoir é seo a dhéanamh.

An gcuirfidh an Chomhairle Mhúinteoireachta eagraíochtaí ar bith eile ar an eolas faoin ngearán?

D'fhéadfadh sé a bheith riachtanach don Chomhairle Mhúinteoireachta eolas maidir leis an ngearán a chur ar aghaidh chuig comhlachtaí lena n-áirítear Tusla (An Ghníomhaireacht um Leanaí agus an Teaghlach), an Garda Síochána agus/nó an Biúro Náisiúnta Grinnfhiosrúcháin de réir oibleagáidí na Comhairle Múinteoireachta maidir le cosaint leanaí agus daoine soghonta.

Cén áit ar féidir liom tuilleadh eolais a fháil maidir le próiseas gearáin na Comhairle Múinteoireachta?

Más mian leat tuilleadh eolais a fháil maidir lenár bpróiseas gearáin agus fiosrúcháin, téigh chuig an gcuid faoi Fheidhmiúlacht chun Múineadh ar ár suíomh gréasáin, www.teachingcouncil.ie/ga/.

Is féidir leat teagmháil a dhéanamh linn freisin trí ríomhphost a chur chuig professionalstandards@teachingcouncil.ie nó trí ghlaoch a chur ar (01) 6517900.

Beartas Príobháideachais

Próiseálann an Chomhairle sonraí de réir an Bheartais Príobháideachais atá ar fáil ar ár suíomh Gréasáin www.teachingcouncil.ie/ga/.

Gluais

B'fhéidir nach bhfuil tú ar an eolas faoi na téarmaí ar fad sa leabhrán seo agus dá bhrí sin tá míniú tugtha againn dóibh thíos.

Rabhadh a thabhairt - casaoid daingean a thabhairt.

Cáineadh - fíor-mhíshástacht a léiriú.

Cód Iompair - tá Cód Iompair Ghairmiúil na Comhairle Múinteoireachta ar fáil ar shuíomh gréasáin na Comhairle Múinteoireachta. Tá treoir ann do mhúinteoirí. Ar an dáta a foilsíodh an leabhrán seo, is é an leagan is déanaí den Chód Iompair ná an leagan a foilsíodh i mí Iúil 2016 agus a nuashonraíodh nuair a cuireadh tús feidhme le Cuid 5 d'Achtannana Comhairle Múinteoireachta 2001.

Gearánach - an duine a dhéanann gearán faoi mhúinteoir cláraithe. Féadfaidh baill den phobal, fostóirí agus múinteoirí eile a bheith san áireamh anseo. Chomh maith leis sin, is féidir leis an gComhairle Mhúinteoireachta gearán a dhéanamh faoi mhúinteoir cláraithe.

Stiúrtóir - Príomhoifigeach Feidhmiúcháin na Comhairle Múinteoireachta.

An Coiste Araíonachta - an coiste sa Chomhairle Mhúinteoireachta óna gcuirtear le chéile an painéal a bheidh i mbun an fhiosrúcháin.

Fostóir - Bord Bainistíochta na scoile nó Príomhfheidhmeannach an Bhoird Oideachais agus Oiliúna chúí a fhostaíonn an múinteoir atá i gceist.

Fianaise - an rud a deir finné ag éisteacht, agus na doiciméid nó taifid eile a dhéantar a scrúdú le linn na héisteachta.

Neamhthábhachtach - Beagthábhachtach nó fánach.

Fiosrúchán - éisteacht cosúil le héisteacht os comhair cúirte nó binse, nó scrúdú ar na doiciméid agus aighneachtaí ábhartha i scríbhinn.

An Coiste Imscrúdaithe - an coiste sa Chomhairle Mhúinteoireachta a chuireann gearán san áireamh agus a dhéanann an cinneadh ar chóir é a chur ar aghaidh chuig an gCoiste Araíonachta le haghaidh fiosrúcháin.

Painéal - an grúpa de thriúr go cúigear a réachtálann an fiosrúchán agus a dhéanann an cinneadh an bhfuil an cás cruthaithe nó nach bhfuil.

Drochfheidhmíocht ghairmiúil - gan na caighdeáin inniúlachta (cíbe acu an mbaineann siad le cúrsaí eolais, scileanna nó eolas agus scil, nó an dá cheann a chur i ngníomh) a chomhlíonadh a mbeifí ag súil leo ó mhúinteoirí.

Mí-iompar gairmiúilt - iompar náireach nó mí-ionraic le linn thréimhse gairme an mhúinteora, nó aon ní eile seachas sin le linn thréimhse gairme an mhúinteora más rud é go bhfuil an t-iompar chomh tromchúiseach sin go bhféadfaí míchlú a tharraingt ar ghairm na múinteoireachta.

Smachtbhanna - an cineál pionóis atá an Chomhairle Mhúinteoireachta in ann a leagan ar mhúinteoir.

Míréasúnta - gearán atá déanta ag duine nach mbeadh ag feidhmiú de mheon macánta, gan chúis leordhóthanach, agus déanta le fearg a chur ar an mhúinteoir a bhfuiltear ag gearán faoi nó fúithi.

Duine soghonta - duine seachas leanbh:

- > atá ag fulaingt ó neamhord intinne, cíbe acu an é mar thoradh ar mheabhairghalar nó néaltrú, nó
- > atá faoi mhíchumas intleachta; nó
- > atá ag fulaingt ó mháchail fhisiceach, cíbe acu an é mar thoradh ar ghortú, tinneas nó aois nó
- > atá faoi mhíchumas fisiceach de chineál nó de mhéid is cúis:
 - chun srian a chur le cumas an duine é féin nó í féin a chosaint ar dhíobháil ó dhuine eile,
 - nó a fhágann go dteastaíonn cúnaimh ón duine le gníomhaíochtaí na beatha laethúla, lena n-áirítear cóiríú, ithe, siúl, níochán agus folcadh.

An Chomhairle
Mhúinteoireachta 
The Teaching Council

Block A, Maynooth Business Campus,
Maynooth, Co. Kildare, W23 Y7X0, Ireland

Fón: +353 1 651 7900

Ríomhphost: professionalstandards@teachingcouncil.ie

www.teachingcouncil.ie/ga/